

## **Krismos 2020: Da Noh Laika Bifoa Taim eena Disya Koroanavairos Taim**

Memba fu prayz Faada Gaad: goh da choch Krismos eevn if yu hafu tyoon in pahnlain sayka disya koroanavairos. Ahn, yes, tingz maita jred disya Krismos 2020, bot soh lang az yu ku reed dis, memba fi stap ahn gi tanks fi weh yu gat, noh mata how lee bit yu gat. Soh, yes, eevn eena disya koroanavairos taim, wi seh Meri Krismos tu aal a Bileez ... noh mata how smaal smaal di merinis maita deh dis yaa.

### ***Di bes gif yu ku gi dis Krismos da di gif a lov.***

It maita hapm dat yu kyaahn di goh goh gi yu lov eena persn aal bowt di plays dis yaa, sayka di koroanavairos. Bot yu ku kaal, ahn if yu ron owta kredit pahn yu foan, den sen yu lov schrayt fahn yu haat tu di haat a di persn yu di tink bowt.

### ***If yu kyaahn bai terki ahn ham ahn kranberi saas dis yaa, memba chikin nais nais tu!***

Moni noh di reed laik laas yaa fi lat a wi. Soh wi maita kyaahn di bai op terki ahn ham ahn kyaahn di jres op eena no dan dan. Pahn tap, wid dis koroanavairos, noweh deh fi goh eniway. Soh, if yu ku skweez owt fi bai wahn lee chikin, memba seh dat nais nais tu! Ahn plaantin da di Bileez kranberi saas eniway! Stay sayf, Bileez. -----